

IZVJEŠTAJ
O RADU ODBORA ZA ROME PRI VIJEĆU MINISTARA BOSNE I HERCEGOVINE
ZA 2023. GODINU

Sarajevo, februar 2024. godina

Sadržaj

Uvod.....	3
CILJEVI I ZADACI.....	4
NAČIN RADA.....	5
REALIZACIJA CILJEVA I ZADATKA.....	5
ZAKLJUČAK	13

IZVJEŠTAJ
O RADU ODBORA ZA ROME PRI VIJEĆU MINISTARA BOSNE I HERCEGOVINE
ZA 2023. GODINU

Uvod

U skladu sa Programom rada Vijeća ministara BiH, Ministarstva za ljudska prava i izbjeglice BiH (*u daljem tekstu: MLJPI*) i Odbora za Rome pri Vijeću ministara Bosne i Hercegovine (*u daljem tekstu: Odbor za Rome*), sačinjen je Izvještaj o radu Odbora za Rome pri Vijeću ministara Bosne i Hercegovine za 2023. godinu (*u daljem tekstu: Izvještaj*).

Odbor za Rome osnovan je Odlukom o osnivanju Odbora za Rome pri Vijeću ministara Bosne i Hercegovine („Službeni glasnik BiH“, broj 85/12) (*u daljem tekstu: Odluka o osnivanju*) na 20. sjednici Vijeća ministara Bosne i Hercegovine održane 18.09.2012. godine, a Odlukom o imenovanju Odbora za Rome pri Vijeću ministara Bosne i Hercegovine („Službeni glasnik BiH“, broj 44/22) (*u daljem tekstu: Odluka o imenovanju*) imenovan je V saziv ovog nezavisnog tijela, savjetodavnog karaktera pri Vijeću ministara Bosne i Hercegovine na 49. sjednici Vijeća ministara Bosne i Hercegovine održane 20.04.2022. godine.

Oblast rada i djelovanja Odbora za Rome nalazi se u Strategiji Bosne i Hercegovine za rješavanje problema Roma („Službeni glasnik BiH“, broj 67/02) (*u daljem tekstu: Strategija*) i Akcionom planu Bosne i Hercegovine za društvenu uključenost Roma i Romkinja za period 2021-2025 godinu („Službeni glasnik BiH“, broj 40/22) (*u daljem tekstu: APR 2021/2025*).

U skladu s Odlukom o izmjenama i dopunama Odluke o osnivanju Odbora za Rome pri Vijeću ministara Bosne i Hercegovine („Službeni glasnik BiH“, broj 66/19) koju je Vijeće ministara Bosne i Hercegovine donijelo na svojoj 176. sjednici održanoj 05.18.2019. godine, Odbor za Rome sastoji se od 22 člana koji se imenuje na period od 4 godine od dana imenovanja i to od:

- 11 predstavnika Roma i
- 11 predstavnika institucija i 11 zamjenskih članova.

Ispred institucija Bosne i Hercegovine po jednog predstavnika i jednog zamjenskog člana ispred: Ministarstvo za ljudska prava i izbjeglice Bosne i Hercegovine, uključujući i Agenciju za

ravnopravnost polova Bosne i Hercegovine, Ministarstvo financija i trezora Bosne i Hercegovine, Ministarstvo civilnih poslova Bosne i Hercegovine, Ministarstvo sigurnosti Bosne i Hercegovine, Ministarstvo pravde Bosne i Hercegovine, Direkcija za evropske integracije i Agencija za zapošljavanje Bosne i Hercegovine.

Također, po jednog predstavnika i jednog zamjenskog člana predlažu vlade Federacije Bosne i Hercegovine, Republike Srpske i Brčko distrikta Bosne i Hercegovine.

Članove Odbora za Rome ispred registriranih romskih udruženja, po principu jedno udruženje jedan glas, osiguravajući ravnopravnu teritorijalnu zastupljenost, bira se iz Federacije Bosne i Hercegovine šest članova i to po jednog člana :

- Sarajevskog kantona, Zeničko-dobojskog kantona, Unsko-sanskog kantona, Tuzlanskog kantona, Srednjobosanskog kantona i Hercegovačko-neretvanskog kantona.

Iz Republike Srpske tri člana i to:

- sa područja regije Banja Luke, Doboja i Bijeljine.

Iz Brčko distrikta Bosne i Hercegovine jednog člana.

Poštujući odredbe Zakona o ravnopravnosti spolova Bosne i Hercegovine, Ženska romska mreža u Odbor za Rome također predlaže jednu predstavnicu.

Izrazi koji su radi preglednosti u ovom izvještaju, dati u jednom gramatičkom rodu odnose se i na muškarce i na ženski rod.

CILJEVI I ZADACI

Odbor za Rome kao nezavisno tijelo, savjetodavnog karaktera pri Vijeća ministara Bosne i Hercegovine ima nadležnost da raspravlja o svim značajnim pitanjima koja su navedena u gore nabrojanim dokumentima, a posebno je zadužen za:

- a) sistemsko praćenje provođenja Akcionog plana za društvenu inkluziju Roma i Romkinja;
- b) donosi operativne planove i predlaže mjere za unapređenje provođenja Akcionog plana;
- c) putem svojih predstavnika inicira aktivnosti na osiguranju sredstava u budžetima institucija na nivou Bosne i Hercegovine i entiteta za potrebe realizacije Akcionog plana;

- d) prati utrošak odobrenih sredstava u budžetima institucija Bosne i Hercegovine i institucija entiteta za realizaciju Akcionog plana u svim oblastima te dinamiku realizacije istih;
- e) uključuje se u ostvarivanju kontakata sa potencijalnim donatorima i drugih zainteresiranih strana na osiguravanju sredstava za provođenje Akcionog plana;
- f) u cilju donošenja validnih stavova, zaključaka i preporuka, Odbor može, u skladu sa finansijskim mogućnostima, formirati stalne ili povremene komisije i tematsko- stručne grupe, a posebno u okviru implementacije Akcionog plana;
- g) svojim aktom utvrdit će sistem monitoringa realizacije utvrđenih planskih aktivnosti za Rome u Bosni i Hercegovini te pratiti metodologiju utroška donatorskih i budžetskih sredstava namijenjenih za realizaciju Akcionog plana.

NAČIN RADA

Način rada i odlučivanja, uređen je Poslovníkom o radu Odbora za Rome. Na čelu Odbora za Rome nalazi se predsjednik koji predsjedava radom Odbora za Rome, vodi sjednice i isti predstavlja pred organima i institucijama na svim nivoima vlasti u Bosni i Hercegovini i u javnosti.

Zaključke, preporuke i mišljenja o pitanjima koje ovo nezavisno tijelo, savjetodavnog karaktera pri Vijeća ministara Bosne i Hercegovine donosi na sjednicama, Odbor za Rome usvaja većinom glasova prisutnih članova. Stručnu i administrativno - tehničku pomoć Odboru za Rome pružaju dva državna službenika ispred MLJPI .

REALIZACIJA CILJEVA I ZADATKA

Na osnovu dodijeljenih zadataka koji su u skladu s Odlukom o osnivanju Odbora za Rome, donesen je i Operativni programom rada Odbora za Rome pri Vijeću ministara Bosne i Hercegovine za 2023. godinu, usvojen na I sjednici ovog nezavisnog tijela, savjetodavnog karaktera pri Vijeću ministara BiH 01.02.2023. godine, koji predstavlja detaljniji plan koraka koje je potrebno poduzeti kako bi se ostvarili postavljeni ciljevi i zadatci tijekom izvještajne godine.

S tim u vezi, dajemo pregled ostvarenih ciljeva na osnovu programa i aktivnosti koje su postavljeni u Operativnom programu rada Odbora za Rome za 2023. godinu kako slijedi:

Program 1. Kreiranje plana rada Odbora za Rome za 2023. godinu

Aktivnost: Kreiranje Plana rada Odbora za Rome za 2023. godinu

Status: Realiziran

Plan rada Odbora za Rome za 2023. godinu kreiran je i jednoglasno usvojen na I sjednici Odbora za Rome, održanoj 01.02.2023. godine.

Aktivnost: Dodjeljivanje zadataka i obaveza članovima Odbora za Rome

Status: Realiziran

Odbor za Rome, s ciljem donošenja validnih stavova, zaključaka i preporuka, formirao je 5 radnih grupa koje će predano pratiti implementaciju *APR 2021/2025*. Svaka radna grupa fokusirana je na ključno područje, a njezini članovi su:

1. Radna grupa za stambeno zbrinjavanje, koju čine Aleksandar Mašić i Sabahudin Tahirović, posvećena je pružanju potpore i praćenju provedbe mjera koje se odnose na stambeno zbrinjavanje romske populacije.
2. Radna grupa za zapošljavanje, koju čine Snježane Mirković i Dervo Sejdić, usmjerena je na unaprjeđenje zapošljavanja Roma kroz konkretne planove i mjere.
3. Radna grupa za zdravstvenu i socijalnu zaštitu, koju čine Indira Bajramović i Nedžad Jusić, posvećena je praćenju i poboljšanju zdravstvene i socijalne situacije Roma.
4. Radna grupa za obrazovanje, koju čine Armina Ahmetović i Mujo Fafulić, fokusirana je na poticanje i pridonosenje unaprjeđenju obrazovnog sustava za romsku zajednicu.
5. Radna grupa za monitoring Akcionog plana, s članovima Borisom Pupićem, Nedžadom Jusićem, Snježanom Mirković i Dervom Sejdićem, imat će zadatak praćenja i evaluacije provedbe *APR 2021/2025*, osiguravajući sustavnu procjenu napretka.

Ova strukturirana inicijativa pruža temeljnu strukturu za precizno praćenje i evaluaciju ključnih područja, potičući tako efikasnost u ostvarivanju postavljenih ciljeva.

Program 2. Priprema sjednica i održavanje redovnih sjednica Odbora za Rome

Aktivnost: Održane najmanje 6 sjednica Odbora za Rome

Status: Realizacija se u kontinuitetu provodi

Odbor za Rome održao je ukupno 4 redovne sjednice i obilježio 2 značajna datuma za Rome, kako slijedi u tabeli.

Broj sjednica	Naziv sjednice	Datum održavanje
1.	Prva redovna sjednica	01.02.2023.
2.	Svečana sjednica u povodu obilježavanje Međunarodnog dana Roma	06.04.2023.
3.	Druga redovna sjednica	23.05.2023.
4.	Treća redovna sjednica	20.07.2023.
5.	Obilježavanje Međunarodnog dana sjećanja na romske žrtve holokausta / Samudaripen	02.08.2023.

6.	Četvrta redovna sjednica	05.12.2023.
----	--------------------------	-------------

Prva sjednica Odbora za Rome - 01.02.2023.: Sjednica je bila dinamična i produktivna, obilježena angažmanom članova Odbora za Rome. Detaljno razmatranje Plan rada Odbora za Rome za 2023. godinu ukazuje na predanost rješavanju ključnih izazova romske zajednice. Članovi su usvojili Plan rada Odbora za Rome za 2023. godinu.

Ciljevi:

1. Strukturirano djelovanje: Postavljanje Plan rada Odbora za Rome za tekuću godinu s jasnim smjernicama za svaki sektor;

Rezultati:

1. Usvojen Plan rada Odbora za Rome za 2023. godinu: Članovi su jednoglasno podržali Plan rada Odbora za Rome, pružajući snažan okvir za aktivnosti Odbora za Rome u 2023.godini;
2. Usvajan je Plan rada Odbora za Rome za 2023. godinu na sjednici održanoj 01.02.2023. godine s fokusom na postizanju strukturiranog djelovanja.

Svečana sjednica Odbora za Rome - 06.04.2023.: Održana je u povodu Međunarodnog dana Roma, fokusirajući se na izazove u provedbi obrazovnih politika u Bosni i Hercegovini. Sjednici je prisustvovalo oko 50 sudionika, uključujući predstavnike obrazovnih institucija, međunarodnih organizacija i članove Odbora za Rome. Sudionici su aktivno sudjelovali u dijalogu, te zajedno identificirali mjere za unaprjeđenje pristupa obrazovanju.

Ciljevi Svečane sjednice:

1. Podizanje svijesti o važnosti obrazovanja Roma i Romkinja;
2. Adresiranje izazova u provedbi obrazovnih politika u Bosni i Hercegovini;
3. Poticanje dijaloga i suradnje za konkretne korake prema unaprjeđenju obrazovanja romske populacije.

Rezultati:

1. Povećanje svijesti o važnosti obrazovanja Roma i Romkinja:
 - Ostvareno kroz aktivno sudjelovanje predstavnika ministarstava obrazovanja, međunarodnih i domaćih organizacija.
 - Njihovo angažiranje i pažljivo slušanje pridonijeli su jačanju podrške i razumijevanja za potrebe romske zajednice.
 - Otvoren je put za potencijalne suradnje i implementaciju inicijativa usmjerenih na unaprjeđenje obrazovnih prilika za Rome i Romkinje.

2. Identificirani su izazovi u obrazovanju:

- Romska djeca i roditelji suočavaju se s predrasudama i stigmatizacijom, stvarajući prepreke pristupu kvalitetnom obrazovanju.
- Diskriminacija u obrazovnim institucijama, neadekvatni uvjeti stanovanja i ograničene mogućnosti zapošljavanja predstavljaju financijske prepreke za romsku djecu.
- Identifikacija ovih izazova pruža temelj za razvoj ciljanih strategija i politika usmjerenih na rješavanje problema i poboljšanje obrazovnih prilika za romsku zajednicu.

3. Primjeri dobre prakse:

- Pet romskih studentica podijelile su svoja iskustva o izazovima na svom obrazovnom putu.
- Opisale su kako su uspjele prevladati prepreke i postići završne godine studija.
- Ovi primjeri dobre prakse pružaju inspiraciju i model za ostale članove romske zajednice, potičući ih na obrazovanje unatoč izazovima.

Važnost sudjelovanja predstavnika:

1. Obrazovne institucije: Aktivno sudjelovanje predstavnika obrazovnih institucija ključno je za stvaranje inkluzivnog okruženja. Njihova prisutnost omogućila je razmjenu iskustava za poboljšanje pristupa obrazovanju za romsku populaciju. Sudjelovanje predstavnika Federalnog ministarstva obrazovanja i nauke, Ministarstva prosvjete i kulture Republike Srpske, Ministarstva obrazovanja, nauke, kulture i sporta HNK, Ministarstva za obrazovanje, nauku, kulturu i sport ZE-DO, te Pedagoškog zavoda Zenica, ključno je za ostvarivanje suradnje među različitim razinama vlasti i obrazovnim institucijama.
2. Međunarodne institucije: Sudjelovanje predstavnika međunarodnih institucija naglasilo je globalni značaj pitanja romske inkluzije. Njihova podrška pridonijela je legitimnosti inicijativa Odbora za Rome. Sudjelovali su predstavnici Delegacije EU, Vijeća Europe, OSCE Misije, Ambasad Slovačke, UNICEF-a, Save the Children-a, World Vision-a i UN-a.

Druga redovna sjednica Odbora za Rome - 23.05.2023.: Sjednica je rezultirala jednoglasnim usvajanjem Izvještaja o radu Odbora za Rome za 2022. godinu, Operativnog plana rada Odbora za Rome za 2023. godinu s prihvaćenim sugestijama. Formirane su radne grupe za praćenje ključnih područja, uključujući stambeno zbrinjavanje, zapošljavanje, zdravstvenu i socijalnu zaštitu, obrazovanje te monitoring implementacije *APR 2021/2025*.

Ciljevi:

1. Osigurati transparentnost rada Odbora za Rome i uključenost članova u ključne odluke;
2. Postaviti temelje za operativno djelovanje Odbora za Rome u 2023. godini kroz usvajanje Izvještaja o radu Odbora za Rome i Operativnog plana Odbora za Rome.

Rezultati:

1. Uspješno usvojeni Izvještaj o radu i Operativni plan Odbora za Rome za naredno razdoblje;
2. Formirane radne grupe koje će pratiti ključna područja rada Odbora za Rome;
3. Identificirane ključne informacije o budućim aktivnostima i planiranim sredstvima.

Ova sjednica predstavlja važan korak u postizanju ciljeva Odbora za Rome u ostvarivanju društvene uključenosti Roma i Romkinja u Bosni i Hercegovini.

Treća redovna sjednica Odbora za Rome - 20.07.2023.: Sjednica je obuhvatila pripreme oko obilježavanje Međunarodnog dana sjećanja na romske žrtve holokausta / Samudaripen, te Operativni plan radnih grupa. Donijete su važne odluke i usvojeni planovi s utjecajem na rad Odbora za Rome u narednom razdoblju.

Ciljevi:

1. Obilježavanje važnih datuma za Rome;
2. Planiranje praćenja implementacije Operativnog plana Odbora za Rome za 2023. godinu.

Rezultati:

1. Obilježavanje važnih datuma: Planiranje obilježavanja Međunarodnog dana sjećanja na romske žrtve holokausta/Samudaripen ima za cilj ne samo odavanje počasti žrtvama, već i podizanje svijesti o povijesnim događajima i njihovom utjecaju na romsku zajednicu;
2. Planiranje praćenja implementacije: Imenovane radne grupe koje će izraditi Operativne planove za praćenje implementacije *APR 2021/2025* ukazuju na želju Odbora za Rome da aktivno sudjeluje u provođenju mjera usmjerenih na društvenu uključenost Roma i Romkinja.

Obilježavanje Međunarodnog dana sjećanja na romske žrtve holokausta / Samudaripen - 02.08.2023.: Na spomen obilježju Donja Gradina, članovi Odbora za Rome su dostojanstveno obilježili Međunarodni dan sjećanja na romske žrtve holokausta/Samudaripen. Vijenci su simbolizirali poštovanje prema romskim žrtvama, naglašavajući važnost očuvanja kolektivnog pamćenja o stradanjima Roma tijekom holokausta.

Ciljevi:

1. Obilježavanja Međunarodnog dana sjećanja na romske žrtve holokausta / Samudaripen je odavanje počasti i sjećanje na romske žrtve tijekom holokausta, perioda tijekom Drugog svjetskog rata kada su Romi, zajedno s drugim skupinama, bili izloženi sistematskom progonu i genocidu od strane nacističkog režima.
2. Obilježavanje ovog dana je promicanje kulture sjećanja, očuvanje kolektivnog pamćenja te sprječavanje zaborava tragičnih događaja.
3. Kroz ceremonije, polaganje vijenaca i druga sjećanja, obilježavanje Međunarodnog dana sjećanja na romske žrtve holokausta/ Samudaripen želi potaknuti poštovanje prema stradalim Romima, jačati svijest o njihovoj povijesnoj patnji, te promicati toleranciju, razumijevanje i borbu protiv svih oblika diskriminacije.

Rezultati:

1. Simbolički čin poštovanja prema romskim žrtvama holokausta vijenci položeni na spomen području Donja Gradina;
2. Povećana svijest: Obilježavanje doprinijelo je jačanju svijesti o stradanjima Roma tijekom holokausta/ Samudaripen;
3. Poticanje kulture sjećanja: Ceremonija je unaprijedila važnost očuvanja povijesti i kulture sjećanja romske zajednice.

Četvrta redovna sjednica Odbora za Rome – 05.12.2023.: predstavljala je ključni trenutak duboke rasprave o važnim pitanjima. Članovi su aktivno sudjelovali u analizi postignuća, identifikaciji izazova i planiranju budućih koraka za unapređenje rada Odbora u 2023. godini. Sjednica je obuhvatila prijedlog Izvještaja o radu Odbora za Rome za 2023. godinu, donošenje zaključaka o provedbi Akcionog plana za društvenu inkluziju Roma u 2022. godini, te važne informacije o dodjeli sredstava putem Javnog poziva Ministarstva za ljudska prava i izbjeglice za 2023. godinu. Također, članovi su bili informirani o procesu izbora zamjenskih članova Odbora, nastavnom programu Integracija Roma faza III Vijeća Europe, te imenovanju nove Kontaktna točka za Rome u BiH. Ova sjednica označila je ključnu točku u nastojanjima unapređenja društvene inkluzije Roma, naglašavajući predanost Odbora u ostvarivanju konkretnih koraka za poboljšanje njihovog položaja u Bosni i Hercegovini.

Ciljevi:

- Analiza postignuća, identifikacija izazova i prijedlozi za daljnje korake u unapređenju prijedloga Izvještaja o radu Odbora za Rome pri Vijeću ministara za 2023. godinu.
- Analiza postignuća, identifikacija izazova i prijedlozi za daljnje korake u unapređenju prijedloga Izvještaja o provedbi Akcionog plana BiH za društvenu uključenost Roma i Romkinja i utrošku grant sredstava za 2022. godinu.

- Upoznavanje s Informacijama o postupku Javnog poziva za dodjelu grant sredstava Ministarstva za ljudska prava i izbjeglice BiH za rješavanje problema Roma.
- Upoznavanje s Informacijama o imenovanju nove Kontaktne točke za Rome u BiH i procesu izbora zamjenskih članova Odbora za Rome.
- Upoznati o nastavnom programu Integracija Roma faza III Vijeća Europe.

Rezultati:

- Prihvaćen je Prijedlog Izvještaja o radu Odbora za Rome za 2023. godinu.
- Usvojeni su zaključci o provedbi Akcionog plana za društvenu inkluziju Roma u 2022. godini.
- Članovi su dobili informaciju o procesu dodjele sredstava putem Javnog poziva Ministarstva za ljudska prava i izbjeglice za 2023. godinu.
- Članovi su upoznati s procesom imenovanja Kontaktne tačke za Rome u BiH i procesom izbora zamjenskih članova Odbora za Rome.
- Članovi su bili upoznati s programom Integracija Roma faza III Vijeća Europe koji provodi Vijeće Europe, što doprinosi obrazovanju i integraciji Roma.

Inicijative Odbora za Rome

1. Inicijativa za povećanje iznosa sredstava za implementaciju Akcionog plana BiH za društvenu inkluziju Roma i Romkinja za period 2021. – 2025. godinu.

Cilj inicijative :

Odbor za Rome je pokrenuo inicijativu s jasnim ciljem - osigurati dovoljna sredstva za implementaciju *APR 2021/2025*. Glavna zabrinutost Odbora za Rome odnosi se na smanjenje sredstava predviđenih za ove svrhe, posebno u kontekstu zapošljavanja Roma.

Očekivani rezultat ove inicijative je povratak sredstava za implementaciju *APR 2021/2025* na razinu iz prethodnih godina. Konkretno, predlaže povratak na iznos od 1.950.000,00 KM, koji je odobren za 2020. godinu. Za 2025. godinu, Odbor za Rome predlaže da se sredstva vrate na prethodnih 2.950.000,00 KM, što bi odgovaralo nivou financiranja iz 2013. godine.

Odbor za Rome opravdava ovu inicijativu ističući obaveze preuzete Deklaracijom iz Poznanja unutar Berlinskog procesa te naglašavajući važnost punog uvažavanja prava Roma i njihovu integraciju u bosanskohercegovačko društvo. Sve ovo usklađeno je s Pravicima djelovanja EU za ravnopravnost, uključivanje i učestvovanje Roma za period 2020-2030.

Ova inicijativa nije samo apstraktan zahtjev. Ona je aktivno poslana predsjedavajućoj Vijeća ministara BiH i svim ministrima u Vijeću ministara BiH. Ovaj potez je namijenjen direktnom utjecaju na donositelje odluka kako bi se ozbiljno razmotrila potreba za povećanjem sredstava za implementaciju APR 2021/2025. Na taj način, inicijativa traži podršku najviših institucija u zemlji kako bi se osiguralo da se ove važne promjene u budžetu za inkluziju Roma ozbiljno razmotre i prihvate.

Rezultati:

1. unatoč podnesenoj inicijativi, do danas nismo dobili odgovor od predsjedavajuće i/ili ministara Vijeća ministara BiH.

Aktivnost: Kreiranje i davanje mišljenja na Izvještaja o radu Odbora za Rome za 2022. godinu

Status: Realiziran

Na drugoj sjednici održanoj 23.05.2023. godine, članovi Odbora za Rome su jednoglasno podržali prijedlog Izvještaja o radu Odbora za Rome za 2022. godinu, s 18 glasova ZA i jednim suzdržanim glasom Derve Sejdića. Ovaj usvojeni prijedlog izvještaja ima izuzetan značaj jer pruža transparentan uvid u aktivnosti Odbora za Rome tijekom prethodne godine, naglašavajući postignute ciljeve. Nakon usvajanja od strane Odbora za Rome, prijedlog izvještaja prosljeđen je na odobrenje Vijeću ministara Bosne i Hercegovine te je konačno usvojen na 17. sjednici održanoj 05.06.2023. godine. Ovim činom potvrđuje se kontinuirani angažman Odbora za Rome u ostvarivanju pozitivnih promjena i unaprjeđenju položaja Roma u društvu.

Aktivnost: Kreiranje i usvajanje Plana rada Odbora za Rome za 2024. godinu

Status: Nije realiziran

Program 3. Komunikacija s relevantnim ministarstvima

Aktivnost: Održavanje sastanaka s ministrom za ljudska prava i izbjeglice BiH

Status: Nije realiziran

Aktivnost: Prikupljanje i analiziranje Dokumenta okvirnog budžeta institucija Bosne i Hercegovine

Status: Realiziran

Odbor za Rome zatražio je od Ministarstva za ljudska prava i izbjeglice BiH i Ministarstva financija i trezora BiH informaciju o planiranoj dinamici i koracima o procesu usvajanja DOB-a za 2024. godinu, kako bi predstavnici ovog nezavisnog, savjetodavnog tijela Vijeća ministara Bosne i Hercegovine

inicirali aktivnosti na osiguranju sredstava u budžetima institucija na nivou Bosne i Hercegovine i entiteta za potrebe realizacije APR 2021/2025. Na II redovnoj sjednici članovi Odbora za Rome, održane 23.05.2023. godine, podnijeli inicijativu prema predsjedavajućoj i svim ministrima u Vijeću ministara Bosne i Hercegovine za povećanje iznosa sredstava za implementaciju APR 2021/2025.

Program 4. Komunikacija putem web stranice

Aktivnost: Selektiranje, obezbjeđivanje, objavljivanje i ažuriranje dokumenata na web stranici

Status: Realiziran

Stručna i tehnička podrška u radu Odbora za Rome ispred MLJPI predano nastoji održavati transparentnost i pružiti aktualne informacije o radu Odbora za Rome putem svoje web stranice. Kroz kontinuirano ažuriranje, MLJPI osigurava pristup relevantnim materijalima, omogućavajući građanima i zainteresiranim stranama uvid u ključne aktivnosti Odbora za Rome. Na web stranici Ministarstva redovito se objavljuju najave za sastanke Odbora za Rome, pružajući uvid u planirane aktivnosti, te postavlja nove odluke, relevantne materijale i druge informacije iz djelokruga Odbora za Rome.

Aktivnost: Određivanje osobe za komunikaciju sa romskim NVO sektorom

Status: nije realiziran

Zaključak

Zaključujući pregled ostvarenih ciljeva i zadataka Odbora za Rome za 2023. godinu, primjetan je značajan napredak u ostvarivanju postavljenih aktivnosti. Kreiranje Plana rada Odbora za Rome za 2023. godinu, dodjeljivanje zadataka članovima, održavanje sjednica te transparentna komunikacija putem web stranice predstavljaju ključne aspekte uspješne realizacije programa rada.

Odbor za Rome je uspješno održao sjednice, uključujući i one posvećene obilježavanju važnih datuma za Rome. Također, aktivno su sudjelovali u procesu kreiranja i usvajanja Izvještaja o radu Odbora za Rome za prethodnu godinu. Transparentnost i dostupnost informacija putem web stranice dodatno su doprinijele informiranosti građana o radu Odbora za Rome.

Nakon postignutog napretka u radu Odbora za Rome, prepoznato je da postoje određeni nedovršeni elementi koji pružaju priliku za daljnje unapređenje djelovanja Odbora za Rome. U skladu s tim, Odbor za Rome planira provesti niz ključnih aktivnosti u narednoj godini kako bi ojačao suradnju s romskim NVO sektorom i poboljšao svoje angažiranje u zajednici.

Prvi korak u ostvarivanju ovog plana jest organizacija sastanka s Ministrom za ljudska prava i izbjeglice Bosne i Hercegovine. Ovaj sastanak pružit će Odboru za Rome priliku da zajedno identificira prioritete i uskladi svoje aktivnosti s ciljevima Vlade, čime će dodatno podržati romsku zajednicu.

Osim toga, Odbor za Rome planira imenovati odgovornu osobu unutar Odbora koja će biti zadužena za redovnu komunikaciju s romskim NVO sektorom. Ta osoba će biti ključni kontakt za sve informacije, pitanja i prijedloge koji dolaze iz ove važne zajednice.

Kako bi osigurali transparentnost i informiranost romskih NVO, Odbor za Rome namjerava uspostaviti sustav redovnog dostavljanja informacija. Ovo će omogućiti bolje praćenje njihovih aktivnosti i rezultata te pružiti prostor za povratne informacije i sugestije.

Prikupljanje informacija od romskih NVO prema Odboru za Rome bit će ostvareno kroz aktivnu suradnju i konzultacije. Cilj im je stvoriti otvoren i inkluzivan dijalog kako bi bolje razumjeli potrebe i izazove s kojima se romska zajednica suočava.

U cilju dodatnog produblivanja suradnje, Odbor za Rome planira održati četiri tematska jednodnevna sastanka sa predstavnicima institucija i lokalnih nevladinih organizacija. Ovi sastanci omogućit će Odboru za Rome zajedničko razmatranje specifičnih tema, identificiranje mogućnosti suradnje te razvoj konkretnih planova djelovanja.

Sve ove aktivnosti su planirane za narednu godinu s ciljem postizanja održivih i dugoročnih promjena u odnosima s romskom zajednicom. Ovaj angažman predstavlja posvećenost Odbora za Rome inkluziji, suradnji i poboljšanju kvalitete života romske zajednice u Bosni i Hercegovini.

Polazeći od naprijed navedenog, predlaže se Vijeću ministara Bosne i Hercegovine, da nakon razmatranja Izvještaja o radu Odbora za Rome pri Vijeću ministara Bosne i Hercegovine za 2023. godinu donese slijedeći:

ZAKLJUČAK

- 1) Usvaja se Izvještaj o radu Odbora za Rome pri Vijeću ministara Bosne i Hercegovine za 2023. godinu.
- 2) Zadužuje se Ministarstvo za ljudska prava i izbjeglice Bosne i Hercegovine da objavi Izvještaj o radu Odbora za Rome pri Vijeću ministara Bosne i Hercegovine za 2023. godinu na web stranici Ministarstva.